

Siōngchàn Sèngtiān

(Peh kiā'á ê si.)

- 1 SiōngChú ah, kiú Lí siàuliām Tabit,
siàuliām i só siū ê itchhè khóilān!
- 2 Kiú Lí siàuliām i ánychóaⁿ tùi SiōngChú chiùchōa,
koh tùi lâkop ê Tōa Koānlêng Chiá hē goān,
kóng,
- 3 "Góa bô beh jìpkhì góa chhù nih ê pòpêⁿ,
mā bô beh khíi góa ê bínchhng;
- 4 góa bô iôngín góa ê bákchui khùn khì,
mā bô iôngín góa ê bákchui phôe tuhbin;
- 5 titkàu góa ūi SiōngChú chhōe tiòh chítê sóchāi,
ūi lâkop ê Tōa Koānlêng Chiá chhōe tiòh chítê
chūsó."
- 6 Goán thiaⁿ kóng iokkūi tī Ehulát,
goán tī lâal ê chhâniá chhōe tiòh i.
- 7 Goán beh jìpkhì SiōngChú ê chūsó,
goán beh tī l ê khatahí chêng kūipài.
- 8 SiōngChú ah, kiú Lí khí lâi,
kiú Lí kah Lí ū tōa koānlêng ê iokkūi chòhóe
jìpkhì Lí anhioh ê sóchāi!
- 9 Goān Lí ê chèsi ēng konggī chò saⁿ lâi chhēng!
Goān Lí ê sèng chúbin chhut hoaⁿ hí ê siaⁿ!
- 10 Kiú Lí inūi Lí ê pòkjîn — Tabit ê iánkò,
m̄ thang khìsak Lí só boah iú siatlíp ê kunông!
- 11 SiōngChú pîn l ê sìnsít tùi Tabit chiùchōa, l

頌讚聖殿

(Peh 崎 á ê 詩。)

- 1 上主 ah，求祢 siàu 念大衛，
siàu 念伊所受的一切苦難！
- 2 求祢 siàu 念伊 án 怎對上主 chiùchōa，
koh 對雅各 ê 大權能者下願，講：
- 3 「我無 beh 入去我厝裡 ê 布棚，
mā 無 beh 起 ì 我 ê 眠床；
- 4 我無容允我 ê 目 chiu 睏去，
mā 無容允我 ê 目 chiu 皮 tuh 眠；
- 5 直到我為上主 chhōe tiòh 一个所在，
為雅各 ê 大權能者 chhōe tiòh 一个住所。」
- 6 阮聽講約櫃 tī 以法他，
阮 tī 雅珥 ê 田野 chhōe tiòh 它。
- 7 阮 beh 入去上主 ê 住所，
阮 beh tī 祂 ê 腳踏椅前跪拜。
- 8 上主 ah，求祢起來，
求祢 kah 祢有大權能 ê 約櫃做伙人去祢安歇 ê
所在！
- 9 願祢 ê 祭司用公義做衫來穿！
願祢 ê 聖子民出歡喜 ê 聲！
- 10 求祢因為祢 ê 僕人—大衛 ê 緣故，
m̄ thang 棄 sak 祢所抹油設立 ê 君王！
- 11 上主憑祂 ê 信實對大衛 chiùchōa，祂的確 bē

tekkhak bē siuhôe.

I kóng, "Góa beh hō lí số seⁿ ê chē tī lí ê póchō.

12 Lí ê kiáⁿsun nā chunsiú Góa ê iok, kah Góa số kàsī in ê lútlē,

in ê kiáⁿsun tòh ē éngoán chē tī lí ê póchō."

13 Inūi SiōngChú íkeng kóngsoán Si'óng,

lài hō i chiáⁿchò I ê chūsó,

14 I kóng: Che sī Góa éngoán anhiōh ê sóchāi;

Góa beh tòh tī chia, inūi chia sī góa số lài ê.

15 Góa beh hō Si'óng ê niúsit hongseng,

Góa beh hō i ê sànhhiah lāng tit tiōh páchiok.

16 Góa beh hō i ê chēsī ēng kiùun chò saⁿ lāi chhēng,

hō i ê sèng chúbîn chhut tōa hoaⁿhí ê siaⁿ!

17 Góa beh hō Tabit ê kak tī hia hengkhí,

koh beh ūi Góa số boah iū siatlíp ê kunông pīpān kngteng.

18 Góa beh hō i ê tuiték ēng kiànsiàu chò saⁿ lāi chhēng;

m̄ koh, ông ê biánliū ē hoatchhut kongchhái.

收回。

祂講：「我 beh hō你所生 ê 坐 tī 你 ê 寶座。

12 你 ê kiáⁿ 孫若遵守我 ê 約，kah 我所教示 in ê 律例，

in ê kiáⁿ 孫 tòh ē 永遠坐 tī 你 ê 寶座。」

13 因為上主已經揀選錫安，

意愛 hō她成做祂 ê 住所，

14 祂講：這是我永遠安歇 ê 所在；

我 beh tòh tī chia，因為 chia 是我所意愛 ê。

15 我 beh hō錫安 ê 糧食豐盛，

我 beh hō她 ê sànhhiah 人得 tiōh 飽足。

16 我 beh hō她 ê 祭司用救恩做衫來穿，

hō她 ê 聖子民出大歡喜 ê 聲！

17 我 beh hō大衛 ê 角 tī hia 興起，

koh beh 為我所抹油設立 ê 君王備辦光燈。

18 我 beh hō伊 ê 對敵用見笑做衫來穿；

m̄ koh，王 ê 冕旒 ē 發出光彩。